



**PODER JUDICIAL DEL ESTADO DE YUCATÁN  
TRIBUNAL SUPERIOR DE JUSTICIA  
CONSEJO DE LA JUDICATURA**



**U NOJ MÚUL K'AXT'AAN NUUMERÓO AGC-2004-24 LE PLENOS TI LE TRIBUNAL SUPERIOR TI JUSTICIA YÉETEL LE CONSEJO DE LA JUDICATURA TI LE PODER JUDICIAL TU PÉETLU'UMIL YUCATÁN, TU'UX KU CHOWAJKIINSA'AL LE WA'AKUNSA'ANIL JEJELÁAS MEYAJOB TU NOJ NAAJIL P'IS ÓOL YÉETEL TU'UX KU WA'AKUNSA'AL XAN LE K'IINO'OB JETS'A'AN UTIA'AL U TS'A'ABAL OJÉELTBIL BA'AXO'OB KU TIA'ALINTA'AL TUMEN MÁAKO'OB YÉETEL K'ABÉET YOJÉELTA'AL, TU TÁAN U JO'OLPÓOPILO'OB LE PODER JUDICIAL TU PÉETLU'UMIL YUCATAN.**

Yo'olal bey jets'a'anil tumen u jatsts'íibilo'ob 16 yáax jaatsil, 64, 69 jaatsil IV yéetel 72 ti' u Noj A'almajt'aanil u Noj Lu'umil Yucatán yéetel 1, 3 yáax xóot's'íib, 4, 15, 21, 30 jaatsil XIII, 105 yéetel 115, jaatsil III, ti' u A'almajt'aanil u Meyaj le Poder Judicial tu Péetlu'umil Yucatán, 9 jaatsil V, 32, 33 yéetel 48, xóot's'íibil segundo, ti' le u Noj A'almajt'aanil Ka'akajil Meyajo'ob; 8 jaatsil V, 29, 31, 48 y 50, xóot's'íibil, ti' u Noj A'almajt'aanil Ka'akajil Meyaj tu Péetlu'umil Yucatán.

**KU TUKULTA'ALE'**

**YÁAX.** Tu k'iinil 13 ti' marzo ti' 2020, u Pleenosil le Tribunal Superior ti' Justicia yéetel le Consejo de la Judicatura ti' le Poder Judicial ti Péetlu'umil, tu ts'áaj ojéeltbil le k'a'ana'an k'ubent'aan utia'al kanan ku beeta'al tumen le Poder Judicial, utia'al u yila'al ma' u yantal sajbe'entsilil tu yo'olal u k'oja'anil le Coronavirus (COVID-19); maas táanile', tu k'iinil 17 ti' marzo ti' 2020, u Pleenosil le Tribunal Superior ti' Justicia yéetel le Consejo de la Judicatura, tu ts'áajo'ob k'ajóoltbil le Noj Múul K'axt'aan Nuumeróo AGC-2003-21, tu'ux je'ets' u beeta'al le u meyajilo'ob kanan ichil u k'iinilo'ob 18 tak 31 ti' marzo tu ja'abil 2020, tu'ux ku je'ets'el u xu'ulul u ts'aatáanta'al tuláakal máako'ob tu k'iinilo'ob 18 tak 31 ti' marzo ti' 2020, tu'ux ma' tu yáalkab le k'iino'ob jets'a'an utia'al le jejeláas meyajob ku ts'aatáanta'alo'obo'.



**PODER JUDICIAL DEL ESTADO DE YUCATÁN**  
**TRIBUNAL SUPERIOR DE JUSTICIA**  
**CONSEJO DE LA JUDICATURA**



**KA'AP'ÉEL.** Tu k'iinil 18 ti marzo ti' 2020, u Pleenosil le Tribunal Superior ti' Justicia yéetel le Consejo de la Judicatura, tu jets'o'ob yéetel le Noj Múul K'axt'aan Nuúmero AGC-2003-22 ts'a'ab ojéeltbil ti le Diario Oficial ti Noj Jalacho'ob way Péetlu'umil ti le k'iin je'elo', u wa'akunsa'al u ts'aatáanta'al tuláakal máako'ob tu k'iinilo'ob 19 ti marzo tak 20 ti abril ti 2020, bey jump'éel jach táaj k'abéet meyaj ichil u kaxta'al ma' u much'ikubáaj máako'ob tia'al ma' u pa'ak'pajal u k'oja'anil le COVID-19.

**ÓOXP'ÉEL.** Tu táan u ya'abtal máako'ob k'oja'antal yo'olal le COVID-19, ts'a'ab k'ajóoltbil tumen le Secretaría ti' Salud ti' u Xuul u Noj Jala'achilo'ob México, le Consejo ti' Salubridad General tu ts'áaj ojéeltbile' jump'éel jach nojoch sajbe'entsilil ma' páa'ta'an le k'oja'anil ku ts'a'aysa'al tumen le viirus SARS-CoV2 (COVID-19), yo'olal mokt'aan ts'a'ab ojéeltbile' ts'a'ab k'ajóoltbil ti' Diario Oficial de la Federación tu k'iinil 30 ti' marzo ti' 2020, tu'ux ku ya'alike' le Secretaría ti' Salud kun jets'ik tuláakal le meyaj kun k'abéetchajal utia'al u ts'aatáanta'al le sajbe'entsila'.

**KAMP'ÉEL.** Tu k'iinil 31 ti' marzo tu ja'abil 2020 le Secretaría ti' Salud ti' u xuul u Noj Jala'achilo'ob México, tu ts'áaj ojéeltbil ti' le Diario Oficial de la Federación le Mokt'aan tu'ux ku je'ets'el k'a'ana'an meyaj'o'ob utia'al u ts'aatáanta'al le sajbe'entsilil tu yo'olal toj óolal ku beeta'al tu yo'olal le viirus SARS-CoV2, tu'ux ku je'ets'el u wa'akunsa'al jumpáak tu k'iinil 30 ti' marzo tak 30 ti' abril le meyaj'o'ob ma' táaj k'ana'ano'obo', ku kaxta'al tu yéetele' ma' u bompajal le u viirusil SARS-CoV2 ti' le kaajo'obo', tia'al ma' u seen antal k'oja'ano'ob, u seen yajtalo'ob yéetel u k'iimilo'ob tu yo'olal COVID-19 ti' tuláakal máaxo'ob kaja'ano'ob ti' tuláakal u noj lu'umil México, yéetel ku je'ets'el makamáak le meyaj'o'ob táaj k'abéeto'obo' yéetel je u páajtal u meyaj'o'obe', ichilo'obe' ti' yaan le u ts'a'abal p'is óol; le je'ela' tu yáanal le kanan yáax jets'a'an ichil le mokt'aanil meyaj'o', bey xan le uláak'o'ob ku beeta'al tu'ux ma' tu seen much'ikubáa máako'ob yéetel ku ts'a'abal ojéeltbil tumen le Secretaría ti' Salud ti' u xuul u Noj Jalachilo'ob México.

**JO'OP'ÉEL.** Tu k'iinil 15 ti' abril ti' 2020, u Pleenosil le Tribunal Superior ti' Justicia yéetel le Consejo de la Judicatura, tu ts'áajo'ob k'ajóoltbil le Noj Múul K'axt'aan Nuúmero AGC-



**PODER JUDICIAL DEL ESTADO DE YUCATÁN  
TRIBUNAL SUPERIOR DE JUSTICIA  
CONSEJO DE LA JUDICATURA**



2004-23 tu'ux ku chowajkuunsa'al le wa'akunsa'anil meyajob tu naajil le poder judicial tak tu k'iinil 6 ti' mayo ti' 2020, k'iino'ob jets'a'an tumen le ts'o'ok u yaax a'ala'al Secretaría de Salud ti' u noj Jala'achilo'ob México, bey xan le k'iino'ob jets'a'an ma' tu yúuchul meyaj tu noj naajil Poder Judicial, utia'al u ja'abil 2020, ba'ale' ikil u je'ets'el k'iino'ob utia'al u p'o'obol yéetel u cho'obol u kúuchilo'ob meyaj, ma' káajak le jejeláas meyajob je'ets' utia'al u k'iinil 7 ti' mayo ti' 2020.

**WAKP'ÉEL.** Tu k'iinil 21 ti' abril j-máano', la Secretaría ti' Salud ti' u noj Jala'achilo'ob México, tu ts'áaj ojéeltbil ti' le Diario Oficial de la Federación le NOJ MOKT'AAN tu'ux ku k'e'exel le yaax ba'alo'ob jets'a'an tu'ux ku beeta'al k'a'ana'an jejeláas meyajob utia'al u ts'aatáanta'al le sajbe'entsilil anchajan tu yo'olal le viirus SARS-CoV2, ts'a'ab ojéeltbil tu k'iinil 31 ti' marzo de 2020, tu'ux je'ets' u p'áatal yéetel u chowajkuunsa'al le k'iino'ob jets'a'an ti' tuláakal u Noj Lu'umil México, utia'al ma' u yantal wa u beeta'al much'ba'ob, ikil u je'ets'ele' u wa'akunsa'al le meyajob ma' jach k'abéeto'obo' yaan u p'áatal tak tu k'iinil 30 ti' mayo ti' 2020; yaan u xu'ulsa'al le je'ela' tak tu k'iinil 18 ti' mayo ti' 2020, ti' le kaajo'ob ti' tuláakal u noj lu'umil México, tu'ux ti' le k'iin je'elo' chéen jump'fit wa mina'an k'oja'ano'ob tu yo'olal le virus SARS-CoV2, ku ya'ala'ale' je bixake', jumpáay ti' le ya'ab k'oja'ano'ob ka anak ti' jump'éel kaaje', ku p'áatal tak lekéen a'ala'ak yaanal t'aane' le máaxo'ob ku p'áatalo'ob tu yotocho'ob utia'al le máaxo'ob yaan u sajbe'entsilil u k'oja'antalo'obe'.

**UUKP'ÉEL.** Tu yo'olal u chowajkuunsa'al le meyaj jets'a'an ti' tuláakal u noj Lu'umil México utial ma' u beeta'al Much'ba'obe', ku yila'ale' k'abéet u chowajkuunsa'al le u k'iiniilo'ob wa'akunsa'anil meyaj tu jéejeláas naajilo'ob le poder judicial tak tu k'iinil 2 ti' junio ti' 2020, utia'al u ka káajsa'al meyaj tu k'iinil 3 ti' junio ti' le ja'aba' yéetel u xookil le k'iino'ob utia'al u núuka'al jejeláas meyajilo'ob p'is óol tak 8 de junio de 2020, ikil u yila'al le k'iino'ob jets'a'an tumen le Secretaría ti' Salud ti' u xuul u Noj Jala'achilo'ob México, yéetel u ts'a'abal k'iino'ob utia'al u p'o'obol yéetel u cho'obol u kúuchilo'ob meyaj antes u suut máako'ob meyaj te tu naajilo'obo'.



**PODER JUDICIAL DEL ESTADO DE YUCATÁN**  
**TRIBUNAL SUPERIOR DE JUSTICIA**  
**CONSEJO DE LA JUDICATURA**



**WAXAKP'ÉEL.** Le u A'almajt'aanil u Ka'akajil Meyaj ichil u jatsts'íibil 32, yéetel u A'almajt'aanil Ka'akajil Meyaj tu Péetlu'umil Yucatán, ichil u jatsts'íibil 29, ku jets'ik utia'al tuláakal le máaxo'ob ts'aataántik kaaj, u ka'akajil u ts'áako'ob ojéeltbil ti' kaaj tuláakal ba'alo'ob ku tia'alintiko'ob, yéetel u iintereso'ob, tu yáanal u ya'aliko'ob u jaajil tu táan u jo'olpópilo'ob u noj naajil Poder judicial.

**BOLOMP'ÉEL.** Tu yo'olal le je'ela', le jatsts'íibil 31 ti' le a'almajt'aan wayil, yéetel u nu'upul yéetel le uláak' 33 ti' le u Noj A'almajt'aanilo', ku jets'iko'ob le k'iino'ob utia'al u ts'a'abal k'ajóoltbil le le ba'axo'ob ku tia'alinta'al, u káajbal, u ke'exel yéetel u ts'ooksa'al le meyaj. Le yáaxo'obo' ichil 60 p'éelel k'iino'ob lekéen ts'o'okok u káajal u meyaj, u ka'ap'éele' tu winalil mayo ti' tuláakal ja'abo'ob, yéetel u ts'ooko'obe' ichil 60 p'éelel k'iino'ob lekéen ts'o'okok u p'atik le meyaj.

**LAJUMP'ÉEL.** Le máaxo'ob jo'olintik u meyajilo'ob jeets'il meyaj tu naajil le Poder Judicial letio'ob máax kun tsolik ti' le ts'aataánt máako'obo' bix u chu'upul le u ju'unilo'ob tu'ux ku ts'áako'ob ojéeltbil ba'ax yaan tio'ob wa ba'ax ku tia'alintiko'obo', le je'ela' ku beeta'al ichil jump'éelel plataforma informática beeta'an utia'al le je'ela', le je'ela' tak walkila' ku meyajta'al ichil u naajil le kúuchil meyaj, yéetel chéen ku ma'achal tumen u jo'olpópilo'ob coomputo ti' le noj naja'.

**JUNLAJUMP'ÉEL.** Le jejeláas ba'alo'ob ku tso'olol ichil le meyaj' ku beetike' u k'abéetchajl ti' le j-ts'aataánt máako'obo' u bino'ob tu kúuchil u meyaj'ob te Poder Judicial utia'al u tso'olol tio'ob yéetel u kaansa'alo'ob utia'al ka páatak u túuxtiko'ob le ju'uno'ob tu'ux ku ts'áako'ob ojéeltbil ba'ax ku tia'alintiko'obo', le je'ela' u k'áat ya'ale ku k'abéetchajal u péeksikuba'ob yéetel u much'ikuba'ob yéetel uláak' máak, ba'al tak walkila', k'abéet u wa'akunsa'al, tu táan le jéets't'aano'ob beeta'an tumen le Consejo ti' Salubridad General yéetel le Secretaría ti' Salud ti' u xuul u Noj Jalachilo'ob México, tu yo'olal le k'oja'anilo'ob ku tsa'aysa'al tumen u viruusil SARS-CoV2 (Covid-19), tu yo'olal u k'abéetil ma' u xu'ulsa'al u kanaanil toj óolal, tia'al ma' u pa'apak'a'al le u viirusil le k'oja'anilo'.



**PODER JUDICIAL DEL ESTADO DE YUCATÁN  
TRIBUNAL SUPERIOR DE JUSTICIA  
CONSEJO DE LA JUDICATURA**



Tu yo'olal le ba'alo'ob ts'o'ok u ya'ala'al yéetel tu yo'olal bey u jets'ik le A'almajt'aano'ob ts'o'ok u ya'ala'alo', u Pleenosil le Tribunal Superior ti' Justicia yéetel le Consejo de la Judicatura ku ts'áako'ob ojéeltbil le je'ela':

**U NOJ MÚUL K'AXT'AAN NUUMERÓO AGC-2004-24 LE PLENOS TI' LE TRIBUNAL SUPERIOR TI' JUSTICIA YÉETEL LE CONSEJO DE LA JUDICATURA TI' LE PODER JUDICIAL TU PÉETLU'UMIL YUCATÁN, TU'UX KU CHOWAJKIINSA'AL LE WA'AKUNSA'ANIL JEJELÁAS MEYAJO'OB TU NOJ NAAJIL P'IS ÓOL YÉETEL TU'UX KU WA'AKUNSA'AL XAN LE K'IINO'OB JETS'A'AN UTIA'AL U TS'A'ABAL OJÉELTBIL BA'AXO'OB KU TIA'ALINTA'AL TUMEN MÁAKO'OB YÉETEL K'ABÉET YOJÉELTA'AL, TU TÁAN U JO'OLPÓOPILO'OB LE PODER JUDICIAL TU PÉETLU'UMIL YUCATAN.**

**Ku chowajkuunsa'al le k'iino'ob jets'a'an tu'ux wa'akunsa'an meyaj.**

**JATSTS'ÍIBIL YÁAX.** Ku chowajkuunsa'al tak tu k'iinil 2 ti' junio ti' 2020, wa'akunsa'anil jejeláas meyajob tu noj naajil p'is óol, jets'a'an ichil le U NOJ MÚUL K'AXT'AAN NUUMERÓO AGC-2004-23 LE PLENOS TI' LE TRIBUNAL SUPERIOR TI' JUSTICIA YÉETEL LE CONSEJO DE LA JUDICATURA TI' LE PODER JUDICIAL TU PÉETLU'UMIL YUCATÁN, TU'UX KU CHOWAJKIINSA'AL LE WA'AKUNSA'ANIL JEJELÁAS MEYAJO'OB TU NOJ NAAJIL P'IS ÓOL TAK TU K'IINIL 6 TI' MAYO TI' 2020.

Jaaj jets'a'anil le je'ela', ku chowajkuunsa'al tak tu k'iinil 5 ti' junio tu ja'abil 2020, le wa'akunsa'anil k'iino'ob jets'a'an utia'al u núuka'al jejeláas ts'íibo'ob, ku ka káajal le u xo'okol u k'iinilo'ob núuk ts'íib tak tu k'iinil 8 ti' junio tu ja'abil 2020.

**U je'ets'el meyajob utia'al yúuchul suut tu naajil Poder Judicial.**

**JATSTS'ÍIBIL KA'AP'ÉEL.** Ma' ts'o'okok previo le k'iino'ob jets'a'an tu'ux wa'akunsa'an le meyajob tu naajilo'ob Poder Judicial, jets'a'an ichil le Noj Múul K'axt'aana', u



**PODER JUDICIAL DEL ESTADO DE YUCATÁN**  
**TRIBUNAL SUPERIOR DE JUSTICIA**  
**CONSEJO DE LA JUDICATURA**



Pleensil le Tribunal Superior ti' Justicia way Péetlu'um yéetel le Consejo de la Judicatura, yaan u ts'áako'ob ojéeltbil ba'ax k'abéet u beeta'al utia'al u yúuchul suut meyaj ichil jeets'lil, jujump'ítil yéetel tu kúuchlil u meyajo'ob tuláakal u j-meeyjilo'ob le Poder Judicial way Péetlu'umil, ku tukulta'al utia'al u k'iinil 3 ti' junio ti' 2020, tu'ux ma' tun ts'aataantbil kaaj, le je'ela' yaan yúuchpajal tak tu k'iinil 8 ti' junio tu ja'abil 2010.

Le ba'alo'ob ku je'ets'elo'oba' ti' ku p'áatal le k'iino'ob tu'ux kun beetbil tuláakal u p'o'obol yéetel u cho'obol ba'alo'ob utia'al ka páatak u yúuchul suut meyaj tu naajilo'obo', je'ex jets'a'anil tumen u jo'olpópilo'ob u mola'ayil toj óolale'.

Jumpáay ti' le ba'ax ts'o'ok u je'ets'ela', káajsa'an tuka'atéen le meyajo'ob tu noj naajilo'ob poder judicial', tuláakal j-meeyjil máak yaan 60 p'éelel ja'abo'ob ti', yo'ontmubáa, wa táant u yóolintikubae', wa ojéela'an ku na'akal u presión, yaan diabetes ti', k'oja'an ti' u puksi'ik'al, wa u jo'nel, u wíinklil ma' tu k'amik mixba'al ts'aakil, insuficiencia renal wa hepática, yéetel tuláakal máaxo'ob kanántik k'oja'ano'ob tu yo'olal u viirusil SARS-CoV2 (COVID-19), ma' tu xu'ulul u meyajo'ob tu yotocho'ob utia'al ma' u pa'apak'iko'ob le k'oja'anilo', tak lekéen je'ets'ek u suuto'ob tumen u noj jalachilo'ob toj óolal. Le j-meeyjilo'ob jach k'abéet u meyajo'ob tu yo'olal ts'aataánaje' yano'ob ichil le junjaats j-meeyjilo'oba', je u páajtal u suuto'ob meyaj tu t'aan yóolajo'obe'.

**Ku wa'akunsa'al k'iino'ob jets'a'an utia'al u ts'a'abal ojéeltbil ba'alo'ob ku tia'alinta'alo'ob.**

**JATSTS'ÍBIL ÓOXP'ÉEL.** Ku wa'akunsa'al le k'iino'ob jets'a'an utia'al tuláakal le j-meeyjil máako'ob ku beetiko'ob u meyajil p'is óol yéetel uláak' jejeláas meyajo'ob tu naajil Poder Judicial tu Péetlu'umil Yucatane', utia'al u ts'áako'ob ojéeltbil tu táan u jo'olpópilo'ob le Tribunal Superior ti' Justicia yéetel Consejo de la Judicatura, u ts'áako'ob ojéeltbil ba'ax ku tia'alintiko'ob ichil u yáaxil, u k'eexil yéetel u ts'o'okbesajil u meyaj wa comisión tak lekéen káajak meyaj tuka'atéen tu noj naajil Poder Judicial tu Péetlu'umil Yucatán.

Ku k'áata'al ti' u jo'olpópil jejeláas kúuchilo'ob meyajo' ka u yóoto'ob u beeto'ob u meyajil u ts'áako'ob ojéeltbil ba'axo'ob ku tia'alintiko'obo' tu k'iinilo'ob yéetel bix jets'a'anile', tu naajil Poder Judicial, ka u ts'a'ob ojéetbil tu táan u jo'olpópilo'ob le



**PODER JUDICIAL DEL ESTADO DE YUCATÁN  
TRIBUNAL SUPERIOR DE JUSTICIA  
CONSEJO DE LA JUDICATURA**



máaxo'ob k'abéete' utia'al ka beeta'ak u meyajilo'ob kanan k'abéete' jets'a'an tumen jo'olpóopilo'ob toj óolal.

Le ba'al ts'o'ok u ya'ala'ala', jumpáaye' ti' le u jo'olpóopilo'ob le u noj naajil meyajo' ka u k'amo'ob ti' teléfono le t'aano'ob ku beeta'alo' wa correos electrónicos, utia'al u tso'olol ti' le j-ts'aataant máako'obo' le yaan tio'ob u ka'akajil u u beetiko'ob u meyajil u ts'áako'ob ojéeltbil ba'axo'ob ku tia'alintiko'ob ts'o'ok u yáax a'ala'alo'.

**U jeets'lil uláak' k'iino'ob ku ts'a'abal utia'al u ts'a'abal k'ajóoltbil u k'eexil ba'ax ku tia'alinta'al.**

**JATSTS'ÍIBIL KAMP'ÉEL.-** Ichil 15 p'éelel k'iino'ob káajak yúuchul meyaj yéetel ts'aataant tuka'atéen tu noj naajilo'ob Poder Judicial tu Péetlu'umil Yucatán, u Pleenosil le Tribunal Superior de Justicia yéetel Consejo de la Judicatura, yaan u jets'iko'ob yéetel uláak' u jo'olpóopilo'ob u kúuchilo'ob u meyajo', uláak' k'iino'ob utia'al u beeta'al u meeyjil u ts'a'abal ojéeltbil u k'eexil ba'alo'ob ku tia'alinta'alo'ob, utia'al u ja'abilo'ob 2019 ma' beeta'ano'obi', le je'ela' ma' tu páajtal yéemel ti' 31 p'éelel k'iino'ob.

Utia'al le je'ela', u jo'olpóopil le jejeláas u kúuchilo'ob meyajo' yaan u beetiko'ob jump'éelel meyaj je'ex le ku k'áata'al tumen u jo'olpóopilo'ob u naajil toj óolal, utia'al u ts'áako'ob kaansaj yéetel tsolmeyaj utia'al u j-meeyjil máako'ob le Poder Judicial ti' le Péetlu'umil, ikil u tukulta'al le suut ichil jeets'lil, jujump'íttil, yéetel tu kúuchilo'ob. Ichil le meyaja', yaan u beeta'al wa ba'ax k'eexil utia'al le máaxo'ob yaan wa ba'ax sajbe'entsilil ti' u toj óolalo'ob utia'al u meyajo'ob tu yotocho'ob lekéen ts'o'okok yúuchul suut meyaj tu naajilo'ob Poder Judicial.

**U je'ets'el k'iino'ob utia'al u ts'a'abal k'ajóoltbil ba'alo'ob ku tia'alinta'alo'ob, u káajbal yéetel u ts'o'okbal.**

**JATSTS'ÍIBIL JO'OP'ÉEL.** U ts'a'abal ojéetbil ba'alo'ob ku tia'alinta'alo'ob ichil u meeyjil u káajbal yéetel u ts'o'oksa'al, ma' tu xu'ulul u beeta'al ichil le k'iino'ob jets'a'an tumen u jatsts'íibil 31, jaatsilo'ob I yéetel III, ti' u A'almajt'aanil Ka'akajilo'ob yéetel meyajo'ob tu Péetlu'umil Yucatán, tu yo'olale' u xookil u k'iinilo'obe' yaan u ka káajal lekéen ts'o'okok le k'iino'ob wa'akunsa'anil meyaj tu naajilo'ob Poder Judicial.





**PODER JUDICIAL DEL ESTADO DE YUCATÁN  
TRIBUNAL SUPERIOR DE JUSTICIA  
CONSEJO DE LA JUDICATURA**



**Jéets't'aano'ob mina'an u k'e'exelo'ob.**

**JATSTS'ÍIBIL WAKP'ÉEL.** Ma' tu yoksa'al ichil, le k'iino'ob jets'a'an tu'ux ku wa'akunsa'al meyaj yéetel ts'aataant máako'ob tu naajil Poder Judicial, ku p'áatal jeets'lil le uláak ba'alo'ob jets'a'an ichil le noj múul k'axt'aano'ob AGC-2003-22 yéetel AGC-2004-23, ti' u Pleenosil le Tribunal Superior ti' Justicia yéetel ti' le Consejo de la Judicatura ti' le Poder Judicial.

**Ba'alo'ob ma' tukulta'ano'obi'.**

**JATSTS'ÍIBIL UUKP'ÉEL.** Je ba'axak ma' jets'a'an ichil le Noj K'axt'aana', yaan u kaxta'al u yutsil tumen u Pleenosil le Tribunal Superior ti' Justicia yéetel le Consejo de la Judicatura ti' le Poder Judicial tu Péetlu'umil Yucatán.

**ULÁAK' JÉETS'T'AANO'OB KU K'EXPAJAL.**

**JATSTS'ÍIBIL YÁAX.** Le Noj Múul K'axt'aana' ku káajal u k'abéetkuunsaal le k'iin ku ts'a'abal ojéeltbile' ti' le Diario Oficial ti' Noj Jala'achilo'ob Péetlu'um.

**JATSTS'ÍIBIL KA'AP'ÉEL.** Ts'a'abak ojéeltbil ti' u jo'olpópilo'ob u kúuchilo'ob meyaj le ba'ax ts'o'ok u je'ets'ela', utia'al ka' u beeto'ob u jeets'lil wa u k'eexil le meyajo'ob ku ya'ala'al ichil le k'axtaanil meyaja'.

**JATSTS'ÍIBIL ÓOXP'ÉEL.** Túuxta'ak óofisios ti' le Poderes Ejecutivo yéetel Legislativo ti' le Péetlu'uma', bey xan ti' le Instituto wayil ti' Transparencia, Acceso ti' Información Pública yéetel Protección ti' Datos Personales tu Péetlu'umil Yucatán utia'al u ts'a'abal u yojéelt le Noj K'axt'aana', utia'al ka' u beeto'ob le u meyajil kanan ku tukultiko'ob k'abéete'.

**JATSTS'ÍIBIL KAMP'ÉEL.** Ts'a'abak u yojéelt le noj k'axt'aana' ti' u Jo'olpópil le Comisión Especial ti' le Tribunal ti' u J-meeyjil máako'ob noj Jala'acho'ob yéetel le Municipios





**PODER JUDICIAL DEL ESTADO DE YUCATÁN  
TRIBUNAL SUPERIOR DE JUSTICIA  
CONSEJO DE LA JUDICATURA**



tumen wa ku tukultik k'abéete', ka ts'a'abak le jéets't'aano'ob kun k'abéetchajle' yéetel ku páajtale'.

**BEY JE'ETS'IK TUMEN U PLEENOSIL LE TRIBUNAL SUPERIOR TI' JUSTICIA YÉETEL LE CONSEJO DE LA JUDICATURA TU PÉETLU'UMIL YUCATÁN, ICHIL U MUCHBAILO'OB MEYAJ TU K'IINIL VEINTISIETE TI' ABRIL, TU KA'AP'ÉELAJ TU JA'ABIL DOS MIL VEINTE, BEETA'AN TU NOJ KAAJIL JO', YUCATÁN.**

**Abogado Ricardo de Jesús Ávila Heredia  
Magistrado Presidente ti' le Tribunal Superior ti' Justicia yéetel  
Consejo de la Judicatura ti' Poder Judicial tu Péetlu'umil Yucatán**

U TS'OOK WÁALA' LETI' U TS'OOK TI' LE NOJ MÚUL K'AXT'AAN NUUMERÓO AGC-2004-24 LE PLENOS TI' LE TRIBUNAL SUPERIOR TI' JUSTICIA YÉETEL LE CONSEJO DE LA JUDICATURA TI' LE PODER JUDICIAL TU PÉETLU'UMIL YUCATÁN, TU'UX KU CHOWAJKIINSA'AL LE WA'AKUNSA'ANIL JEJELÁAS MEYAJO'OB TU NOJ NAAJIL P'IS ÓOL YÉETEL TU'UX KU WA'AKUNSA'AL XAN LE K'IINO'OB JETS'A'AN UTIA'AL U TS'A'ABAL OJÉELTBIL BA'AXO'OB KU TIA'ALINTA'AL TUMEN MÁAKO'OB YÉETEL K'ABÉET YOJÉELTA'AL, TU TÁAN U JO'OLPÓOPILO'OB LE PODER JUDICIAL TU PÉETLU'UMIL YUCATAN.